

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...**

**Fronsberger, Leonhardt**

**[Franckfurt am Main], 1558**

**VD16 F 3129**

Angriff.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)



## Ordnungen vnd Leer

Ennlich soll er allzeyt inn seinen Râthen vnnnd geprüchen/sein willen vnnnd alle seine anschleg/mit so stiller fürsichtigk eyt handeln/das nichts anders geoffenbart werd/dann das die seinen herzhafftig/mutsam/kün/frech vnnnd standhafft/aber die feind zaghafft/flüchtig vnnnd forcht sam machen möcht.

## Angriff.

**A**ngriff soll er auch alle Knecht manlich trösten/ie die redlichste irer theuren thaten/vnnnd seiner trew ermanen/der Feinde zagheit eröffnen/ ihr groß gut vnnnd Reichthumb preis machen/sein leben/lob/ehr/gut/in ihren schirm ergeben/vnnnd ein Eyd schwören/da zusigen oder zusterben/vnnnd wa es die not erfordert mitt allen Kürissern zu ihn inn die Ordnung abstan/das geschütz inn gemein widder den Feind richten/mitt einem Mantel verdecken/mitt seinem hauffen still ligen/den feind anlauffen/müden vnnnd helligen/vnnnd als ein zweck treffen/beyde Feldgeschütz vnnnd handbüchsen mitt gemeinem geschrey der Reutter/Fußknecht/Huren vnnnd Buben/eins mals ablassen/vnnnd zum grausamesten einrücken mit aller rüstung inn die abgeloffne/keuchende vnnnd hartschnaufende feinde. So nun jede Schlacht ordnung nach Glückes faal/art des Feindes/platz des Lands/lauff des himels/vnnnd gelegenheyt der zeyt zu mehrmalen muß gerichtet werden/kan man sie nicht wol inn gewisse Reglen beschliessen/sonnder die vnuermeidliche noch zwingt/das die Anpfeleut irer Fürsten/welcher des sigs vnnnd des löblichen preis der Rittershaft begert/nicht allein darumb erwolt werden/das sie Edel/reich/berümbt/mächtiger geschlecht/viler freundschaft/vichisch/sänffer/balger/groß/starck/alt Kriegsknecht/in hohen beuelchen gebraucht/vnnnd von frembden Herren reichlich besoldt worden seind/sonder (ob sie gleich arm) dennoch fromb/auffrecht/klug/weiß/vnverzagt/vnerschrocken/trew/standhafft sein/vnnnd theur/geschwind/anschlegig/vorteylig/vnnnd sigreich gehandelt/ihrem Herren ehr vnnnd preis erstritten/Gotsdienst vnnnd forcht gehandhabt/Land vnnnd Leuth beschirmt/gericht vnnnd Recht freunden vnnnd feinden gefürdert haben/Solche haben dann die Kugel in der faust/künnen sie auch allein selbs/vnnnd andere auch leeren werffen.

## Erlegung der flüchtigen.

**L**et sich der feind nach der flucht wider versamlet vnnnd vermuttet sich zu stercken vnnnd zuwagen/ehe es geschehe/soll er ihn nachts vnnblegern/vnnnd durch wenige Knecht den schlaff wehren/vnnnd morgens den schlafferigen angreifen/Oder irer erstochne Herren heupter zeygen/ob er sie damit erweichen möcht/das sie sich gefangen geben.

Vers